

Surat khabar: Utusan Borneo (Berita Iban)

Hari/Tarikh: 19/8/2016

Muka surat: 12

Tajuk : Pemenang gelar 'Nobel Laureate' bekunsi penemu enggau nemiak UNIMAS

Pemenang gelar 'Nobel Laureate' bekunsi penemu enggau nemiak UNIMAS

KOTA SAMARAHAN: Universiti Malaysia Sarawak (UNIMAS) seruan beratika pengawati tau mai penguntung sereta pekara baru ngagai komuniti di genturung pendiau ke besemak enggau universiti nya.

Siti ari chara, iya nya nengah licha ke meri penemu ngagai mensia mayuh.

Berindik enggau nya, UNIMAS begulai enggau Institut Kimia Malaysia (IKM) bisi ngaga licha ngagai mensia mayuh, ti dikenataika pemenang Gelar Nobel, Prof Ei-Ichi Negishi ensanus, ba Palan Tun Abang Salahuddin (PITAS), UNIMAS.

Sapit Mandal Canselor (Akademik enggau Pekara bekaul enggau Antarabansa) Prof Dr Wan Hashim Wan Ibrahim madah, universiti nya majak maju ba pengawany ngenagapka pansik sereta inovasyon.

Ku iya dalam taun 2015, UNIMAS udah mujur teulihka 62 iti geran ti dipinta sida dikena bejalaika pansik beungkus RM5.3 juta enggau reta intelektual urung RM1.4 juta.

"Aku ngarapka raban akademik deka terus ngaga pansik ke ngembuan impek ke besai sereta kerejasama nyendia sereta bekunsika penemu enggau mensia mayuh," ku Wan Hashim.

Iya madah munyi nya lebu bejaku, ngelaluka Ei-Ichi ke nyadi pemenang gelar 'Nobel Laureate' dalam pekara bekaul enggau Kimia ti bekunsika penemu iya enggau urung 300 lebih nemiak UNIMAS ditu, ensanus.

Iya ngarapka penemu ke dikunsi Ei-Ichi bekaul enggau pemujur iya deka meri peransang ngagai raban akademik sereta bala nemiak universiti

kelebih agi nemiak ke belajar di Fakulti Resource Science enggau Teknologi, ke ngambi bidang Kimia.

Naka ke diatu, bisi urung 315 nemiak dalam fakulti nya ngaga pansik dalam pekara "Natural and Physical Sciences" lalu ari penyampau nya, 80 iku nemiak dalam bidang Kimia.

Ei-Ichi ngembuan peneleba urung 30 taun gawa nyadi tukang pansik di Universiti Purdue, US, lalu dalam bulan Disember 2010, iya nerima Gelar Nobel dalam bidang Kimia atas pengawaiya ngemansangka timbal bepelasarka (logam) ti dikelala nyadi (pengganding silang bermangkin paladium) ke tau ngaga sintesis kompleks perengka organik nyadi enggau muntang.

Berindik ari pekara tu, program Licha ke mensia mayuh tu digaga betuju laban deka bekunsika penemu, meri peransang sereta nyendiaka peluang ke pepadu manah ngagai mensia mayuh berandau enggau Ei-Ichi empu, ke nyadi pemenang Gelar Nobel.

Prof Ei-Ichi diatu, begelar H.C. Brown Distinguished Professor of Chemistry di University Purdue. Iya bulih degree Bachelor iya ari University of Tokyo sereta PhD dalam Kimia ari Universiti Pennsylvania, lalu belabuh gawa dalam taun 1966 nyadi 'post doctor associate' sereta raban akademik dalam pekara bekaul enggau 'Organik Sintesis'.

Sama bisi enggau ngulu atur pengawati, iya nya chairman Institut Kimia Malaysia pampang Sarawak Dr Alvin Chai Lian Kuet enggau Pro-canselor UNIMAS Datuk Patinggi Tan Sri Alfred Jabu anak Numpang.